

Mga tagubilin para sa bakuna sa coronavirus (Para sa karagdagang pagbabakuna (ika-3 dosis))

Tungkol sa bakuna sa coronavirus

Ang bakunang ito ay bahagi ng programa sa pagbabakuna para sa coronavirus (SARS-CoV-2) ng pambansa at lokal na pamahalaan. Ang bakunang ito ay binili gamit ang pampublikong pondo at magagamit nang walang bayad ng mga nagnanais makatanggap nito. Ang bakunang ito ay para sa mga may edad na 18 taong gulang o higit pa.

Mga epekto ng bakuna at paraan ng pagbibigay

Ang bakunang ibibigay ngayon ay gawa ng Takeda, na nakatanggap ng technology transfer mula sa Novavax, Inc. Pinipigilan ng bakuna ang pagsisimula ng coronavirus.

Bagaman ang data ay mula pa noong bago lumaganap ang Omicron strain, sa mga klinikal na pag-aaral na isinagawa sa mga subject na 18 taong gulang pataas, ang neutralizing antibody titer 28 araw pagkatapos ng karagdagang bakuna ay mas mataas ng humigit-kumulang na 4 na beses kaysa neutralizing antibody titer 14 araw pagkatapos ng ika-2 bakuna, na nagpapahiwatig na may tiyak na antas ng bisang maaasahan dito. Bagama't may limitadong impormasyong magagamit sa kasalukuyan tungkol sa mga kaso kung saan hindi ang bakunang ito ang binigay sa unang pagbabakuna (ika-1 at ika-2) ngunit binigay sa karagdagang pagbabakuna (alternatibong pagbabakuna), isang pag-aaral na isinagawa sa ibang bansa ay nag-ulat ng isang makabuluhang pagtaas sa titer ng antibody maging sa alternatibong pagbabakuna. Gayunpaman, dapat tandaan na ang pagitan sa pagbabakuna ay iba sa naaprubahan ng mga pharmaceutical affairs body sa Japan. Bilang karagdagan, bagama't limitado ang mga kaalaman tungkol sa Omicron strain, mayroong mga ulat na tumataas ang neutralizing antibody titer matapos 3 beses makatanggap ng bakunang ito.

Pangalan ng produkto	NUVAXOVID® Intramuscular Injection
Bisa at epekto	Pagpigil sa nakakahawang sakit na sanhi ng SARS-CoV-2
Dalas at agwat ng pagbabakuna	1 beses (pagkatapos lumipas ang tiyak na agwat ng panahon mula nang makumpleto ang ika-2 pagbabakuna) *Iniksyon sa kalamnan
Target ng pagbabakuna	Mga may edad na 18 taong gulang o higit pa
Dami ng pagbabakuna	1 beses na 0.5 mL bawat 1 beses

- Ayon sa Immunization Act, ang agwat sa pagitan ng ika-3 pagbabakuna at ika-2 pagbabakuna ay 6 na buwan o higit pa pagkatapos makumpleto ang ika-2 pagbabakuna.
- Ang bakunang ito ay maaaring ibigay, hindi alintana kung anong uri ng bakuna ang ginamit sa ika-1 at ika-2 pagbabakuna.
- Kahit na nakatanggap ng karagdagang pagbabakuna ng bakunang ito, hindi ibig sabihin na ganap na maiiwasan ang pagkakasakit atbp. Dapat kang gumawa ng mga naaangkop na mga hakbang sa pag-iwas sa impeksyon kahit na nakatanggap ka man o hindi ng bakuna.

Sino ang hindi dapat tumanggap ng bakuna

Ang bakunang ito ay hindi maaaring ibigay sa mga sumusunod. Tiyaking sabihin sa doktor sa panahon ng konsultasyon sa pagbabakuna kung sa palagay mo ay mailalapat sa iyo ang alinman sa ibaba.

- Mga taong kinakitaan ng lagnat (*1)
- Mga taong may malubha at matinding karamdaman
- Mga taong nakaranas ng matinding hypersensitivity (*2) sa alinmang sangkap ng bakunang ito
- Mga taong maliban sa mga inilarawan sa itaas ay may mga kundisyon kung bakit hindi angkop sa kanila ang makatanggap ng bakuna

(*1) Ang may lagnat ay karaniwang tinutukoy bilang 37.5°C o higit pa. Gayunpaman, maaaring hindi ito nalalapat sa mga kaso kung saan ito tinutukoy bilang lagnat batay sa normal na temperatura ng katawan, kahit na ang temperatura ay mababa sa 37.5 degrees Celsius.

(*2) Anaphylaxis at maraming sintomas na nagpapahiwatig ng anaphylaxis, kabilang ang pangkalahatang sintomas ng balat at mucous membrane, pangangapos ng hininga, dyspnea, tachycardia, at hypotension. Ang mga taong nakumpirma na may sintomas na mga ito mula sa ika-1 o ika-2 pagbabakuna ay hindi maaaring makatanggap ng karagdagang pagbabakuna gamit ang bakunang magkatulad sa kanilang unang natanggap.

Sino ang dapat mag-ingat sa pagkuha ng bakuna

Ang mga mayroon ng alinman sa mga sumusunod na kundisyon ay dapat maging maingat sa pagtanggap ng bakunang ito. Kung sa palagay mo ay nalalapat ito sa iyo, tiyaking sabihin sa doktor sa panahon ng konsultasyon bago ang pagbabakuna.

- Mga taong sumasailalim ng anticoagulant therapy, mga taong may thrombositopenia o coagulation disorders
- Mga taong dating na-diagnose na may immunodeficiency, o mga taong may malapit na kamag-anak na may congenital immunodeficiency
- Mga taong may kronikong kundisyong medikal tulad ng sakit sa puso, bato, atay, blood disorder, o developmental disorder

(Magpatuloy sa likod na bahagi)

- Mga taong nakatanggap ng bakuna dati at nakaranas ng mga sintomas na nagmumungkahi ng isang allergy tulad ng lagnat o pangkalahatang pantal sa loob ng 2 araw pagkatapos ng pagbabakuna
- Mga taong dating nakaranas ng kombulsyon
- Mga taong maaaring may allergy sa mga sangkap ng bakunang ito.

Kung ikaw ay buntis o posibleng buntis, o nagpapasuso, tiyaking ipagbigay-alam sa doktor sa panahon ng konsultasyon bago ang pagbabakuna. Gayunpaman, kahit hindi mo nakumpirma sa iyong gynecologist, kung napagpasiyahan ng doktor sa paunang pagsusuri na maaaring magpabakuna, maaaring magpabakuna.

Ang produktong ito ay naglalaman ng additive na hindi pa nagamit sa bakuna dati. Kung ikaw ay mayroong hypersensitivity o reaksiyon ng allergy dati, tiyaking ipagbigay-alam sa doktor sa panahon ng konsultasyon bago ang pagbabakuna.

Ano ang gagawin pagkatapos makatanggap ng bakuna

- Pagkatapos makatanggap ng bakunang ito, maghintay ng hindi bababa sa 15 minuto (hindi bababa sa 30 minuto para sa mga dating nakaranas ng matinding sintomas ng allergy kabilang ang anaphylaxis, o sa mga sumama ang pakiramdam o nahimatay, atbp.) sa pasilidad kung saan mo natanggap ang bakuna, at kapag masama ang iyong pakiramdam, mangyaring kontakin kaagad ang iyong doktor. (Dahil dito, posibleng tumugon sa mga biglaang masamang epekto.)
- Ang tinurukang bahagi ay dapat panatilihin malinis. Bagama't walang problema ang pagligo sa araw ng pagbabakuna, mangyaring huwag kuskusin ang nasabing bahagi. Kung sumama ang pakiramdam matapos magpabakuna ay mag-dahandahan at magpahinga, at iwasang maligo, atbp.
- Walang magiging problema sa pang-araw-araw na pamumuhay, subalit dapat ay iwasan ang mapuwersang pag-eehersisyo, ang labis na pag-inom ng alak, atbp. sa araw na isasagawa ito.

Masamang epekto

- Kasama sa mga pangunahing masamang epekto ang pagsakit sa lugar ng pag-iniksiyon, sakit ng ulo, sakit ng kasu-kasuan at kalamnan, pagkapagod, pangiginig, at lagnat. Kasama sa mga bihira at malubhang masamang epekto ang shock o anaphylaxis. Kung may napansin kang anumang nakababahalang sintomas pagkatapos ng pagbabakuna, kumonsulta agad sa doktor na nagbakuna o sa doktor ng pamilya.

Tungkol sa Relief System for Injury to Health with Vaccination

Ang pagbabakuna ay maaaring maging sanhi ng pinsala sa kalusugan (karamdaman o kapansanan). Bagama't ito ay napakabihira, hindi maaalis ang panganib, kung kaya't itinatag ang relief system.

Sa kaso ng pinsala sa kalusugan bilang resulta ng bakuna sa coronavirus, mayroong relief (medikal na gastos, benepisyo ng pensiyon para sa kapansanan, atbp.) sa ilalim ng Immunization Act. Mangyaring kumonsulta sa munisipalidad kung saan matatagpuan ang iyong tirahan tungkol sa pamamaraan na kinakailangan para sa aplikasyon.

Tungkol sa impeksyon ng coronavirus

Kapag nagkaroon ng impeksyon sanhi ng SARS-CoV-2, makikita ang mga sintomas na katulad ng karaniwang sipon, tulad ng lagnat at ubo. Bagama't maraming tao ang gumagaling mula sa sakit na may banayad na sintomas, sa mga malubhang kaso, ang mga sintomas ng pulmonya tulad ng hirap sa paghinga ay lumalala at maaaring humantong sa kamatayan.

Mga katangian ng bakuna sa coronavirus (bakuna na ginawa ng Takeda) na ibibigay sa pagkakataong ito

Ang bakunang ito ay isang recombinant protein vaccine, at ito ay isang nanoparticle formulation ng isang recombinant na protina na ginawa batay sa gene ng SARS-CoV-2 spike protein (isang protina na kinakailangan para makapasok ang virus sa human cell), na may idinagdag na adjuvant para isulong ang immune activation. Ipinapalagay na kapag ang recombinant spike protein ay dinala sa mga selula ng tao sa pamamagitan ng pagturok nitong bakunang ito, nauudyok ang produksyon ng neutralizing antibody at cellular immune responses laban sa spike protein, na makakapagpigil ng impeksyon na sanhi ng SARS-CoV-2.

Ang gamot na ito ay naglalaman ng mga sumusunod na sangkap.

Aktibong sangkap	◇ SARS-CoV-2rS (recombinant spike protein ng SARS-CoV-2)
Additives	◇ Matrix-A* ◇ Matrix-C* ◇ Disodium hydrogen phosphate heptahydrate ◇ Sodium dihydrogen phosphate monohydrate ◇ Sodium chloride ◇ Polysorbate 80 ◇ pH regulator

*Kasama sa mga additives ang cholesterol, phosphatidylcholine, disodium hydrogen phosphate dihydrate, potassium dihydrogen phosphate, potassium chloride at sodium chloride.

Para sa karagdagang impormasyon ukol sa bakuna sa novel coronavirus, mangyaring tingnan ang website ng Ministry of Health, Labour and Welfare

Ministry of health, labour and welfare corona bakuna

Hanapin



Kung hindi mo mahanap ang website na ito, mangyaring kumonsulta sa iyong lokal na munisipalidad.